

Ilinniartitsisussanik ilinniartitsineq katersuutsitaq pillugu Namminersornerullutik Oqartussat nalunaarutaat

Meeqqat atuarfianni ilinniartitsisussanik ilinniartitsineq pillugu Inatsisartut peqqussutaanni nr. 2-mi ulloq 2. maj 1996-imeersumi § 14, imm. 5 aamma § 15 tunngavigalugit aalajangersarneqarput:

Kapitali 1.

Ilinniartitsinerup siunertaa

§ 1. Ilinniartitsisussanik ilinniartitsinerup siunertarineqarpoq meeqqat atuarfianni ilinniartitsisussanik ilinniartitsinissaq aamma meeqqanut, inuusuttunut inersimasunullu inuussutissarsiutinik ilinniartitsinissamut sunngiffimmilu atuartitsinerup ilinniartitsinissamut tunngaviliinissaq, tak. meeqqat atuarfianni ilinniartitsisussanik ilinniartitsineq pillugu Inatsisartut peqqussutaanni nr. 2-mi 2. maj 1996-imeersumi § 1, imm. 1.

Imm. 2. Ilinniartitsisussanik ilinniartitsineq atuartitsissutitigut perorsaanikkullu paasisaqartitsissaaq sungiusaataassalluni ilinniartitsisutut sulinerup isumagineqarnissaanut pisariaqartumik, aammalu ilinniartut inuttut ineriartornerannik siunnerfeqarluni sulissuteqassalluni, tak. meeqqat atuarfianni ilinniartitsisussanik ilinniartitsineq pillugu Inatsisartut peqqussutaanni nr. 2-mi, 2. maj 1996-imeersumi § 1, imm. 2.

Kapitali 2.

Ilinniarterup imaa

Ilinniarterup aaqqissuussaanera

§ 2. Ilinniarneq ukiunik sisamanik sivilissusiligaavoq semesterinilu arfineq-pingasuni ingerlanneqartassalluni.

§ 3. Ukioq atuartitsiviusoq aggustip aallaqqaataaniit juulip 31-ianut sivilissuseqarpoq.

§ 4. Semesterit immikkoortortalersorneqassapput sapaatip-akunnerinik soqutigisanik ataatsimoorussilluni ingerlassaqarfinnik, suliamik misiliivinnik, kursuserfinnik aamma soraarummeerfinnik. Pilersaarusiaq taanna, pilersaarusiamik allannngortinneqarsinnaasumik taaneqartartoq, rektorimit ukiut tamaasa kingusinnerpaamik aggustip aallaqqaataani nassiunneqartassaaq Ilinniartitaanermut Pisortaqaqfimmi akueritinniarlugu.

Imm. 2. Semesterini lektionit atuartitsinerup atorineqartussat, tiimit agguanneqarnerannut pilersaarummik taaneqartoq, Ilinniartitaanermut Pisortaqaqfimmi akuereqqaarneqartussanngorlugu rektorimit ukiut tamaasa kingusinnerpaamik aggustip aallaqqaataani nassiunneqartassaaq.

§ 5. Atuartitsissutiniq neqeroorutigineqarsinnaasunik annerusumik sammisassanik (liniefag), atuartitsissutiniq toqqagassanik aammalu atuartitsissutiniq neqeroorutigineqarsinnaasunik pilersitsinissamut piumasarineqarpoq ilinniartut ikinnerpaamik tallimat nalunaarsimanissaat, taamaattorli pissutsit immikkut ittut tamanna ajornartinnigippassuk ilinniartitaanermi tassani rektorip tamanna saneqqunneqassasoq immikkut akuersissutigisinnaavaa.

Imm. 2. Atuaqatigiit ilinniartut nalunaarsimasut qassiuneri tunngavigalugit avinneqartarnissaat kattunneqartarnissaallu pillugu maleruagassat ilinniarnernup aaqqissuussaananerani aalajangersarneqassapput.

Ilinniarnermi ilinniagassat aaqqissuussaananerat

§ 6. Ilinniartissuup ilinniartitaaneq aaqqissuutissavaa, minnerpaamik makkuninnga imaqtartussaq

- 1) atuartitsissutit ataasiakkaat, kursusit, ullut suliamik misiliivissat, naammassiniagaqarluni suliassat kiisalu suliassat tunniutassat, nalunaarusiat specialillu imassaannik soraarummeerutissartaannullu ilitsersuutiniq kiisalu tamakkua ilinniarnernup ingerlanerani qanoq inissinneqarnerinik,
- 2) misilitsilluni allaaseralugit suliart, nalunaarusiat specialillu tunniunneqartarnissaat pillugu maleruagassanik, tamatumunnga ilanngullugu ilinniartut ataasiakkaarlutik suleqatigiikkuutaarlutilluunniit tunniussisinnaanersut / tunniussisassanersut,
- 3) ilinniarnernup ingerlanerani misilitsittarnissat allaaserinerannik kiisalu tamakkua ilinniarnernup ingerlanerani qanoq inissinneqarnerinik,
- 4) misilitsinnerit qanoq iluseqartarnerisa allaaserinerannik,
- 5) takussutissamik misilitsinnerni suni karakteriiliisoqartarneranut, aamma misilitsinnerni suni naliliisoqartarnerisat "angusivoq", "angusinngilaq", imaluunniit "akuerineqarpoq" "akuerineqanngilaq" atorlugit naliliisoqartarnerisat,
- 6) "angusivoq"/"angusinngilaq" aamma "akuerineqarpoq"/"akuerineqanngilaq" atorlugit nali-liinerni pissutaasunut ilaasartunik, ilanngullugit tamakkuninnga naliliissagaanni pissutaanerusartut,
- 7) iliuutsit suut suliffimmi misiliinermik naliliinissami suliffimmi misiliiffiusumut ingerlasussat erseqqissarneri, tak. § 51, imm. 2.
- 8) napparsimalluni soraarummeertarnissanik misilitseqqittarnissanillu,
- 9) atuaqatigiit ilinniartut nalunaarsimasut qassiuneri tunngavigalugit avinneqartarnissaat kattunneqartarnissaallu pillugit maleruagassanik aamma
- 10) takkuttarnissanut malittarisassat kiisalu ilinniagaqartut ilinniagaqarfinit anisitaanissaannut piumasaqaatit

Imm. 2. Ilinniarnernup aaqqissuunnerata ilinniartissuaq ilinniarnernup aaqqissuunnerani aalaja-ngersakkanik sanioqqutsisissinnaalersinnaavaa.

Imm. 3. Ilinniarnernup aaqqissuunnera ilinniartitaanermut Pisortaqaqfiup akuereqqaagassaraa.

Imm. 4. Ilinniagassat aaqqissuussaananerat allannguutaallu annertunerusut ukiup ilinniartissuup aallartinnerani atortuulertassapput.

Atuaqataasussatitaaneq, qulliunerusumut ingerlaqqinneq aamma ilinniarnermik kipititamik nangitseqqinneq

§ 7. Atuartitsinnermi peqataanissaq pisussaaffiuvoq.

Imm. 2. Ilinniartitaanermut Pisortaqaqfiup rektorip siunnersuuteqarnera malillugu atuaqataasussaanermut

pisussaataitanermik aalajangersakkap sanioqqukkallarneqarnissaa akuerisinnaavaa.

Sanioqqutsisinnaaneq akuerineqarsinnaavoq atuartitsissutini annerusumik sammisassanik ilinniarnertup ukiuini kingullerni marlunni aamma misiliinermut imaluunniit ilinniarnermik ineriartortitsiniarnermut ilagitillugu. Tamatumunga peqatigitillugu misiliinerup sivilissusissaa nalunaarusiornerullu qanoq iluseqarnissaa aalajangersarneqassapput.

§ 8. Semesterip tullianut ingerlaqqinnissaq taamaallaat pisinnaavoq atuartitsinermi peqataasarneq, nalunaarsorneqartartoq, suliamik tunniussaqaartarneq kiisalu ilinniakkanik aallussineq ilinniartitsisoqatigiinnit akuerineqarsimappata.

Imm. 2. Ukiup aappaanut ingerlaqqissagaanni piumasarineqarportaaq misilitsinnermi, pin-ngortitanut tunngasunut mernguarnartunullu naliliunneqarsimappat "angusivoq", tak. § 47, imm. 1, nr. 4 aamma nr. 7.

Imm. 3. Suliamik misiliinerit angusiffigineqarsimassapput, ilinniagaqartoq ilinniarnertup sinnerani peqataasinnaassappat.

Kapitali 3.

Atuartitsissutit aqqissuussaanerat

§ 9. Atuartitsissutini pinngitsoorani ilinniartariaqartuni lektionit ima amerlassuseqarput.

- | | |
|--|----------------|
| 1) Atuartitsissutit perorsaanermut tunngasut, immikkut ilinniagaq ilanngullugu | lektionit 560. |
| 2) Kalaallit oqaasii, ataatsimoorussassaq | lektionit 280. |
| 3) Pinngortitalerinermit tunngasut | lektionit 56. |
| 4) Ilinniartitsissutit paasissutissiiviusut | lektionit 224. |
| 5) Kristumiussuseq | lektionit 56. |
| 6) Mernguarnartut I | lektionit 112. |
| 7) Danskit oqaasii (killiffik 1) | lektionit 112. |
| 8) Tuluit oqaasii (killiffik 1) | lektionit 112. |
| 9) Kisitsineq/matematik (killiffik 1) | lektionit 112. |

Imm. 2. Atuartitsissutit toqqagassat ilusilersuineq, illumi suliaasat, assassorneq / ammerineq, timersorneq, erinarsorneq/nipilersorneq aamma sananeq neqeroorutigineqassapput atuartitsissutit tamaasa immikkut 168-inik lektioneqartillugit. Atuartitsissutit toqqagassat danskit oqaasii, tuluit oqaasii, kisitsineq /matematik aamma fysik/kemii neqeroorutigineqassapput atuartitsissutit tamaasa 112-inik lektionilerlugit.

Imm. 3. Atuartitsissutit annerusumik sammisassat neqeroorutigineqassapput atuartitsissutit tamaasa immikkut 280-inik lektionilerlugit.

Imm. 4. Atuartitsissutit neqeroorutigineqarsinnaasut neqeroorutigineqassapput atuartitsissutit tamaasa immikkut 56-inik lektionilerlugit.

Imm. 5. Atuarfinni suliamik misiliineq aqqissuunneqassaaq sapaatit akunnerini 14-ini sapaatip akunneranut katillugit 20-nik lektioneqartillugu, ilinniarfigisamilu suliamik misiliineq aqqissuunneqassaaq sap. akunnerini sisamani atuartitsissutit tamaasa sap. akunneranut sisamanik lektioneqartillugit, kiisalu atuartitsinerni periutsinut, atuartitsissummut ataatsimut lektionit 16-it naatsorsuullugit. Pikkortissarfusussat sap. ak. arfineq pingasut sap. akunneranut lektioninik 30-nik imallit pilersaarusiorneqassapput.

Imm. 6. Lektionit ataaseq tassaavoq minutsini 45-ni atuartitsivik.

Imm. 7. Pissutsit immikkut ittut tamanna ajornartinnigippassuk imm. 1-5-imi aalajangersakkat atuutinnginnissaat ilinniartitaanermut Pisortaqarfiup immikkut akuersissutigisinnaavaa.

§ 10. Ilinniartitsissut toqqagassaq aamma ilinniartitsissut annerusumik sammisassaq taakkuninnga atuartitsilernissaq sioqqullugu ilinniartumit toqqarneqassapput. Atuartitsissutiniq allannortitsisoqassappat tamanna pissaaq atuartitsinerup aallartinnerata kingornagut kingusinnerpaamik sap. akunneri sisamat qaangiutsinnagit.

Imm. 2. Atuartitsissut neqeroorutigineqarsinnaasoq atuartitsissummik taassuminnga atuartitsinissap aallartinnissaa sioqqullugu toqqarneqassaaq.

§ 11. Ilinniartitaanermut Pisortaqarfiup, pissutsit immikkut ittut pisariaqartippassuk, ilinniartuq atuartitsissutini § 9-mi taaneqartuni ataatsimik arlalinnilluunniit malinninnginnissaanut immikkut akuerisinnaavaa.

§ 12. Atuartitsissutiniq annerusumik sammisassanik danskit oqaasiinik, tuluit oqaasiinik, kisitsinermik/matematikimik aamma fysik/kemiimik ilinniartussatut tiguneqarnissamut piumasarineqarpoq atuartitsissutini taaneqartuni kingullermik atuarfigisami semesterit sisamaanni minnerpaamik 6-imik karakteereqarsimanissaq.

Imm. 2. Taamaattoorli atuartitsissutini annerusumik sammisassani ilinniartussatut tiguneqarneq pisinnaavoq, atuartitsissummik ilinniartitsisoq semesterip aappaata naanerani isumaqarpat ilinniartuq atuartitsissummi tassani naammaginarluartumik angusaqarsimasoq.

Kapitali 4.

Atuartitsissutit ataasiakkaat siunertaat

Atuartitsissutit pinngitsoorani ilinniartariaqartut

§ 13. Atuartitsissutit perorsaanermut/ilinniartitsinerumut tunngasut siunertaraat ilinniartut atuartitsissummik suliaqarnerminni inuttut ineriartornerannik siuarsaanissaq, ilinniartullu ilisimasaqalernissaat aamma paasisimasaqarnerujartorlutillu piginnaanngoriartornerunissaat

- 1) perorsaanermi/ilinniartitsinermi tarnillu pissusiinik ilisimaqqaagassanik (teoriinik) atuinnissamut,
- 2) ilinniartitsisutut suliamik, sulinermi atugarisanik aamma ilinniarnepup ingerlannerani avataanilu periarfissanik paasiniaannissamut nalilersuisarnissamullu,
- 3) ilaqutariinnermi, atuarfimmil inuiaqatigiinnilu pissutsit allanngorarneranni meeqqanik inuusuttunillu atuartitsinerumik allaaserinninnissamut, pilersaarusiortarnissamut, aqqissuisarnissamut aamma nalilersuisarnissamut,
- 4) ilinniartitaaneq perorsaanerlu pillugit apeqquutinut tunngavilimmik isummertarnissamut,
- 5) atuarfimmil sungiusarfimmik suleqateqarluni atuartumut atuaqatigiinnullu siunertalimmik ilitsersuisarnissamut,
- 6) atuaqatigiinnik, suleqatinik, angajoqqaanik, atuarfimmik isumaginninnermilu oqartussaasunik suleqateqartarnissamut aamma
- 7) perorsaanermik, atuartitsinerumik ilinniartitaanermillu ineriartortitsinerumut nutaanngorsaanermullu ikiunnissamut.

Imm. 2. Ukiut ilinniarfusut sisamassaanni perorsaanikkut immikkut sammisamik ilinniagaqartut suliaqartinneqassapput. Immikkut sammisakkut tassuuna siunertarineqarpoq ilinniagaqartut immikkut sammisamik namminersorlutik suliaqarnertik aqqutigalugu ilinniartitaanerup perorsaanikkut, tarnip

pissusiinut inooqatigiinnermullu tunngasutigut imarisai pillugit itinerusumik paasisimasaqalernissaat, atuartitsinermi sulinermilu periutsinut suliamillu misiliinermut ataqatigiissaagaasumik.

§ 14. Kaalaallit oqaasiinik ataatsimoorutassanik, tuluit oqaasiinik danskillu oqaasiinik ilinniartitsinermi siunertaavoq ilinniartut semesterit siullianni aappaannilu atuartitsissutinik assigiin-ngitsunik suliaqarnertik tunngavigalugu:

- 1) Oqaatsinik nalinginnaasumik ilisimasaqalernissaat oqaatsillu pingasut taakku assigiissutaannik assigiinngissutaannillu ilisimasaqalernissaat.
- 2) Oqaatsinik atuartitsinerup tunngaviusumik suussusiinik paasisimasaqalernissaat.
- 3) Oqalulluni allallunilu oqaatsinik atuinermi ilisimaqqaagassanut pisinnaasaqalernissaat.

§ 15. Kalaallit oqaasiinik ataatsimoorutassanik semesterip pingajuani sisamaanilu meeqqat atuarfianni ilinniartitsinermi siunertaavoq ilinniartut ilinniarnernup ingerlanerani pinngitsoorani peqataaffigisassami atuartitsinissamut pikkorissarnissaat makkununga pisinnaalernermikkut:

- 1) Oqaatiginnittarnermik allaatiginnittarnermillu sungiusarnikkut atuartitsissummik ilinniartitsinermi periaatsinut allanngorartunut.
- 2) Oqaasertanik allanngorartunik paasiniaasarnikkut misissuinikkullu allanneqaqqaarfinik nutsikkanillu paasinninnissamut.
- 3) Atuakkatigut oqaatsinillu atuinermit sungiusarnikkut oqaatsit qanoq katitigaallutillu atorpeqartarnerannik ilisimasaqarlualernermut.
- 4) Oqaatsinik ilisimasaqalernissamut taamalu paasisaqarnissamut atuartitsissutip atuarfimmi inuiaqatigiinnilu immikkut ittumik inissisimaneranut.
- 5) Nammineerluni oqaatsit allallu oqaasiisut ilinniartitsinissamut pisinnaassuseqarlernermut.
- 6) Atuartitsissummik ilinniartitsinermi iluaqusersuutinik ilisimasaqalernermut.
- 7) Atuartitsissutip atuartitsissutigerani periaasissanik paasisimasaqalernermut.

§ 16. Atuartitsissummi kisitsineq/matematikimi siunertaasoq tassaavoq ilinniartut:

- 1) Matematikimut tunngasunik nalinginnaasunik paasinninnissamut ilisimasatigut pillaqqissutsikkullu tunngavissaqalernissaat.
- 2) Atuartitsissutip atuartitsissutinut allanut tunngasutigut inuiaqatigiinnilu atorpeqartarneranut ilisimasaqalernissaat suliassanillu tamakkunannga pisunik inerlugit suliaqarsinnaalernissaat.
- 3) Matematikip inuit ataasiakkaat ineriartornerannut sunniuteqarsinnaanerani paasinninnissaat.

§ 17. Atuartitsissummik pinngortitanut tunngasumik ilinniartitsinermi siunertaavoq ilinniartut uumasulerinermik, nunalerutinik, fysikimik kemiimillu tunngaveqartumik ilinniartitaanikkut

- 1) Pinngortitamut nalinginnaasumik paasinninnissamut ilisimasatigut pillaqqissutsikkullu tunngavissaqalersinniarnissaat.
- 2) Pinngortitaq pillugu isummanik assigiinngitsunik paasisimasaqalersinniarnissaat.
- 3) Pinngortitami uumasumi umaatsumilu nukiit, allanngoriartortarnerit, sananeqaatit nunarsuullu ukiup ingerlanerani allanngorarnerisa imminnut ataqatigiinnerannik paasisimasaqalersinnissaat.
- 4) Inuussutissarsiutit, teknikip, nioqqutissiornerup avatangiisillu, tamakkununga ilanngullugit soqutigisat assigiinngitsut pinngortitap inuiaqatigiillu ineriartornerannut atasut, imminnut ataqatigiinnerannik paasisimasaqalersinnissaat.
- 5) Pinngortitamik laboratoriani atuartitsissutit periaasiinik ikiutissaannillu atuinnikkut misissuinermit pikkorissarnissaat.

§ 18. Atuartitsissutini paasisutissiiviusuni siunertarineqarpoq ilinniartut uumassusilerinermik, nunalerutinik, nalerput pillugu ilisimasassanik nassuiaanermik oqaluttuarisaanermillu tunngaveqartumik ilinniartitaanikkut meeqqat atuarfianni ilinniarnep ingerlanerani pinngitsoorani peqataaffigisassami atuartitsinissamat pikkorissarnissaat

1) Pinngortitanut, inunlut tunngasunut aamma inuiaqatigiinnut tunngasutigut oqaluuserisassatut toqqakkat oqaluuserineqartarnissaanni atuarsimanikkut tunngavissaqalernissamat piginnaanngornissamullu.

2) Atuartitsissutinik tamakkuninnga atuartitsissutinillu allanik atuartitsinermit atortussanut tamakkualu qanoq atornissaannut.

3) Atuartitsissutini aalajangersimasuni atuartitsinermit periaatsinik paasisimasaqalernissamat atuartitsinerullu aaqqissuunnissaanut ingerlanneqarneranullu tunngavissaqarlualernissamat.

§ 19. Kristumiussutsumik atuartitsissummi siunertarineqarpoq ilinniartut meeqqat atuarfianni atuarnerup ingerlanerani pinngitsoorani peqataaffigisassami atuartitsinissamat pikkorissarnissaat

1) Testamentitoqqamat pingaartumillu Testamentitaamat tunngasunik oqaluuserisassatut toq-qakkat oqaluuserineqartarnissaanni atuarsimanikkut tunngavissaqalernissamat piginnaanngornissamullu.

2) Atuartitsissutit taakkua imminut ilisarilersitsisinnaanerannik paasinninnissamat kiisalu atuartitsissutit taakkua piorsarsimassutsikkut inuiaqatigiinnermullu pingaarutaannik ilisimasaqalernissamat.

3) Atuartitsissutip atuartitsissutiginnissaanut atortussanik atuartitsissutigineranilu periaatsinik kiisalu atuartitsissutinut tunngasutigut periaaseqarnikkullu ilisimalluagassanik ilisimasaqalernissamat.

§ 20. Mernguernartut I-imik atuartitsissummi siunertarineqarpoq ilinniartut ilusilersuinermit, timersornermit, nipilersornermit, assassornermit aamma/imaluunniit. sanaassanik suliaqarneq aallaavigalugit

1) Kusanartuliornermit tunngasunik paasisimasaqalernissaat.

2) Meeqqat atuarfianni atuartitsissutinik allanik atuartitsinermit suleriaatsinik pilersitsissutaasinnaasunik atuinissamat pillaaqqissunngornissaat.

3) Isiginnaagassianik (aliikkutaanerunngitsunik) suliaqartarnissamat tunngavissaqalersinnissaat.

4) Ilinniarnermit ingerlatassat ilaattut assassornikkut allatigullu suliaqarsinnaanermut meeqqap pisariaqartitaanik paasisimasaqalersinnissaat.

Atuartitsissutit qinigassat

§ 21. Danskit oqaasiinik atuartitsissummi (killiffik 2) siunertarineqarpoq ilinniartut ilinniarnep ingerlanerani meeqqat atuarfianni pinngitsoorani peqataaffigisassami atuartitsinissamat pikkorissarnissaat makkununga:

1) Danskit oqaasiinik oqalunnermit allannermilu atorneqartunik paasinnilluarsinnaalernissamat namminnerlu oqaatsinik taakkuninnga ajunngitsumik oqalussinnaalernissaannut allassinnaalernissaannullu.

2) Danskit oqaasiinik kiisalu danskisut naqitaasunik naqitaanngitsunillu oqaasilerisinnaalernissamat naliliisinnaalernissamullu.

3) Atuartitsissutip suleriaasiinut ilinniagassartaasigut atuartitsissutigeriarnissaannilu eqqarsaatigilluagassartaanut paasisimasaqalernissamat.

§ 22. Tuluut oqaasiinik atuartitsissummi (killiffik 2) siunertarineqarpoq ilinniartut ilinniarnep ingerlanerani meeqqat atuarfianni pinngitsoorani peqataaffigisassami atuartitsinissamat

pikkorissarnissaat makkununga:

- 1) Tuluit oqaasiinik oqalunnermi allannermilu atorneqartunik paasinnillaarsinnaalernissamut namminnerlu oqaatsinik taakkuninnga ajunngitsumik oqalussinnaalernissaannut allassinnaalernissaannullu.
- 2) Tuluit oqaasiinik kiisalu tuluttut naqitaasunik naqitaanngitsunillu oqaasilerisinnaalernissamut naliliisinnaalernissamullu.
- 3) Nunarsuarmi tuluit oqaasiinik atuiffiusuni piorsarsimassutsimut inuiaqatigiillu inuunerannut tunngasunik ilisimasaqalernissamut.
- 4) Atuartitsissutip ikiuutaanik, suleriaasiinik atuartitsissutigieriarnissaannilu eqqarsaatigilluagassartaannik pigiliussilluarnissamut.

§ 23. Kisitsineq/matematikimik atuartitsissummi (killiffik 2) siunertarineqarpoq ilinniartut ilinniarnernup ingerlanerani meeqqat atuarfianni pinngitsoorani peqataaffigisassami atuartitsinissamut pikkorissarnissaat

- 1) atuartitsissutip tunngaviusumik taamaattuusorisaaernerinik (teoriivinik), suussusiinik suleriaasiinillu paasisimasaqalernikkut.
- 2) Matematikimik ilinniarnermi isummanik assigiinngitsunik matematikkimillu ilisimasassanik pigiliussinissaq pillugu isummanik ilisimasaqalernikkut.
- 3) Atuartitsissutip imaasa, suleriaatsit suussutsillu matematikimut tunngasut tapersersoqatigiittarnerannik nalilersuillaarsinnaalernikkut.
- 4) Atuartitsissutip atuartitsissutiginiisaanut atortussanik tamakkulu atorlugit atuartitsinermi periaatsinik ilisimasaqalernikkut.

§ 24. Fysik/kemiimik atuartitsissummi siunertarineqarpoq ilinniartut ilinniarnernup ingerlanerani pinngitsoorani peqataaffigisassami atuartitsinissamut pikkorissarnissaat

- 1) Atuartitsissutip tunngaviusumik taamaattuusorisaaernerinik, suussusiinik suleriaasiinillu ilisimasaqalernikkut.
- 2) Sammisassanik fysikimut kemiimullu tunngasunik ilisimasaqalernikkut.

3) Atuartitsissutip perorsaannermit/ilinniartitsinermut tunngasutigut periarfissaanik, atuartitsissutigieriarnissaani eqqarsaatigilluagassanik ilaqartussanik, paasisimasaqalernikkut.

§ 25. Ilusilersuineramik atuartitsissummi siunertarineqarpoq ilinniartut, ilinniarnernup ingerlanerani pinngitsoorani peqataaffigisassami atuartitsinissaq siunertaralugu, aamma atuartitsissutip atuarfimmi suliat nalinginnaasut suliarineqarneranni atornissaa eqqarsaatigalugit, makkuninnga ilikkartinnissaat:

- 1) Ilinniagassat assigiinngitsut pillugit tunngaviusumik ilisimasassanik.
- 2) Atuartitsinissamut pilersaarusiornermik, atuartitsinermik ingerlatsinermik nalilersuinermillu.
- 3) Marlunnik pingasunillu sammivilinnik ilusilersuisinnaanermik aammalu ilusilersuineramik piginnaalikkat oqaatiginiakkatut nalunaarutitullu atorneqarsinnaanerannik.
- 4) Atuartitsissutip atuarfimmi perorsaannermit tunngatillugu periarfissaanik.

§ 26. Illumi suliasanik atuartitsissummi siunertarineqarpoq ilinniartut makkuninnga ilikkartinnissaat:

- 1) Atuartitsinissamut pilersaarusiornermik, atuartitsinermik ingerlatsinermik nalilersuinermillu.
- 2) Atuartitsissutip sammisassartaasa iluanni suliasanik suliarinnissinnaanermik tunngavissaasutigullu ilisimasassanik.
- 3) Nerisassat inuussutissaqarluartut eqqiluisaarluarnerullu pingaassusiinik paasinninnermik.
- 4) Atuartitsissutip perorsaannermit tunngasutigut periarfissaanik.

§ 27. Assassornermik/ammerinermik atuartitsissummi siunertarineqarpoq ilinniartut makkuninnga ilikkartinnissaat:

- 1) Suliassanik suliarinnissinnaalernermik aamma ilinniagassat assigiinngitsut pillugit tunngaviusumik ilisimasassanik.
- 2) Atuartitsinissamut pilersarusiornermik, atuartitsinermik ingerlatsinermik nalilersuinermillu.
- 3) Atuartitsissutip perorsaanermut tunngasutigut periarfissaanik.

§ 28. Timersornermik atuartitsissummi siunertarineqarpoq ilinniartut makkuninnga ilikkartinnissaat:

- 1) Atuartut timikkut, anersaakkut inooqataassutsikkullu ineriartornissaat pingaartillugu suliniutinik suliarinnissinnaalernermik aamma tunngavissaasutigut ilisimasassanik.
- 2) Atuartitsissutip perorsaataasinnaaneranik atuartitsissummilu suleriaasissanik kiisalu timersornermik atuartitsissutip atuartitsissutiginnissaanut pilersarusiornermik, atuartitsinermik ingerlatsinermik nalilersuinermillu.
- 3) Atuartitsissutip atuarfimmi inuiaqatigiinnilu sulissutigeqqinnissaanut soqutiginninnermik kajumissuseqarnissamillu, tamakkulu aqqutigalugit atuartunik timersornermut soqutiginnittuaannartunngortitsiniarnissamik.

§ 29. Erinarsornermik/nipilersornermik atuartitsissummi siunertarineqarpoq ilinniartut erinarsorneq nipilersuutinillu atuineq aqqutigalugit makkuninnga ilikkarnissaat:

- 1) Nipilersornermut tunngasutigut paasisimasassanik.
- 2) Tunngavissaasutigut teknikimullu tunngasutigut ilisimasassanik.
- 3) Atuartitsissutip atuartitsissutigerani periaasissanik.

§ 30. Sananermik atuartitsissummi siunertarineqarpoq ilinniartut makkuninnga ilikkarnissaat:

- 1) Assassorluni sulinermi suleriaatsinik, aamma misilittagaqalernissaat kiisalu nutaanik pilersitsisinaanerminnik sananermullu pisinnaassutsiminnik ineriartortitsisinaanermik.
- 2) Suleriaatsitigut ilinniartitsinermilu ilisimasassanik.
- 3) Assassorluni sulinermik nuannarisaqarnermik.
- 4) Nammineersinnaanermik oqattaarisarnikkullu paasiniaasarnermik.

Atuartitsissutit annerusumik sammisassat

§ 31. Kalaallit oqaasiinik atuartitsissummi siunertarineqarpoq ilinniartut:

- 1) Atassuteqaqatigiittarnermut tunngasutigut suliaqarsinnaalernissaat.
- 2) Kalaallit oqaasii atorlugit suliaqarsinnaalernissaat.
- 3) Sulinermi kalaallisut atuakkianik atuisinnaalernissaat..
- 4) Allanit ikiorneqarnatik oqalullutik allallutillu oqaatiginiakkaminnik oqaatiginnilluarsinnaalernissaat.
- 5) Inuit oqaasiinik atuakkiaannillu ilisimasaqalersinnissaat.
- 6) Atuartitsissutip atuartitsissutigerani periaasissanik paasisimasaqalernissaat, tamatumunnga ilanngullugu allamiut oqaasiinik ilisimasaqalernissaat, taamaallutik atuartitsissummik atuartitsisinnaleqqullugit ilinniarnernup ingerlanera tamakkerlugu.

§ 32. Danskit oqaasiinik atuartitsissummi siunertarineqarpoq ilinniartut:

- 1) Atassuteqaqatigiittarnerit assigiinngitsut ilusaannik namminneerlutik suliarinnissinnaalerlutillu nalilersuisinnaalernissaat.
- 2) Atuartitsissutip piorsarsimassutsit inooqatigiinnermullu tunngasut ataqatiginneranni inissisimaneranik paasinninnissaat.

- 3) Allanit ikiorneqaratik oqalullutik allallutillu oqaatiginiakkaminnik oqaatiginnilluarsinnaalernissaat.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik ilinniartut atuartitsissummik atuartitsisinnaaleqqullugit ilinniarnep ingerlanera tamakkerlugu.

§ 33. Tuluq oqaasiinik atuartitsissummi siunertarineqarpoq ilinniartut:

- 1) Sammisassat assigiinngitsut iluanni atassuteqaqatigiittarnerit assigiinngitsut ilusiinik namminneerlutik paasiniaaqqissaarsinnaalerlutillu nalilersuisinnaalernissaat.
- 2) Oqalullutik allallutillu oqaatiginiakkaminnik oqaatiginnilluarsinnaalernissaat.
- 3) Tuluttut oqaluttartut porsarsimassusianni pingaarutilinnut assigiinngitsunut ilisimasaqalernissaat.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik atuartitsissummik atuartitsisinnaaleqqullugit meeqqat atuarfianni klassini tamani.

§ 34. Kisitsinermik/matematikimik atuartitsissummi siunertarineqarpoq ilinniartut:

- 1) Matematikimut tunngasutigut ilisimasariaqartunik pingaarnernik aamma matematikip perorsaannerlutik/ilinniartitsinermut tunngasortaanik ima annertutigisumik paasisimasaqalernissaat, ilisimasariaqartut tamakku imminnut tapersersoqatigiilersillugit imminnullu paasinarsaaqatigiilersillugit. Sammisassanik suleriaasissanillu qinersineq tunngaveqartinneqassaaq meeqqat atuarfianni atuartitsissummik taassuminnga atuartitsinermik atuartitsissutillu taassuma oqallisigineqartarneranik.
- 2) Atuartitsissutip aqqissuussaananik eqqarsarsinnaassutsimillu atuinissamik ilisimasaqalersinnissaat.
- 3) Matematikimik paasisimasaqalernissamut matematikimilli paasinnittarnerit assigiinngitsunik ilisimasaqalernissaat, tamatumunnga ilanngullugu matematikimi paasisimasariallit imaasa suliarineqartarnerisalu tapersersoqatigiittarnerat pillugu apeqqutinik namminneerlutik paasiniaaqqissaarsinnaalernissaat isummerfiginnittarsinnaalernissaallu.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik ilinniartut regningimik/matematikimik atuartitsisinnaaleqqullugit ilinniarnep ingerlanerani tamarmi.

§ 35. Fysik/kemiimik atuartitsissummi siunertarineqarpoq ilinniartut:

- 1) Sammineqarsinnaasunik immikkut toqqakkanik, inuiaqatigiinnermut ullutsinni pingaaruteqartunik paasisimasaqalernissaat.
- 2) Fysikimi kemiimilu tunngaviumik isummiussanik, paasisimasarialinnik suleriaatsinillu paasisimasaqalernissaat.
- 3) Misileraalluni sulisinnaanngornissaat sulianillu nalilersuisinnaanngornissaat, kiisalu tamakkuninnga suliaqarnermi isumannaallisaanermut avatangiisinullu tunngasutigut ajornartorsiutaasartunik ilisimasaqalernissaat.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik atuartitsissummik taassuminnga atuartitsisinnaaleqqullugit ilinniarnep ingerlanerani ta-marmi.

§ 36. Nunalerutinik atuartitsissummi siunertarineqarpoq ilinniartut:

- 1) Nunap sananeqaataanut tunngasunik ilisimasaqarnissaat kiisalu ilinniagassanik nunanut aamma inuit taakkualu suliarisartagaannut tunngasunik, inuit nunarsuup ilaani assigiinngitsuniittut atugarisaannik paasiniaalluarnerusalernissamut tunngavissaqalersitsisussanik, nunat assigiinngitsut atassuteqaqatigiittarnerannut kiisalu pisuussutit, nioqqutissiornerup avatangiisillu nunani ataasiakkaani nunanilu assigiinngitsorpassuarni imminnut ataqatigiinnerannut tunngasunik paasisimasaqalernissaat.
- 2) Atuartitsissutip qangaaniilli nunanik allanik ilisimasaqalissutissatut inuiaqatigiillu akornanni paaseqatigiissutaalissutissatut atortuuneranik nalinginnaasumillu ilisimasaqalissutaasinnaaneranik paasisimasaqalernissaat.

- 3) Atuartitsissummi najoqqutassaqaqfinnik sanileriissitsisarnikkut avatangiisinillu inunnit pilersitaanngitsunik aamma piorsarsimassutsip pilersitaanik misissuisarnikkut paasiniaalluarsinnaalernissaat nunanik assigiinngitsunik tamakkunanilu ajornartorsiutaalersartunik.
- 4) Atuartitsissutip atuartitsissutiginerani periaasissanik paasisimasaqalernissaat.

§ 37. Uumassusilerinermik atuartitsissummi siunertarineqarpoq ilinniartut:

- 1) Sammineqarsinnaasunik immikkut toqqakkanik ullumikkut pingaaruteqartunik paasisimasaqalernissaat.
- 2) Uumassusilerinermi isummiussanik, paasisimasarialinnik suleriaatsinillu paasisimasaqalernissaat.
- 3) Misileraalluni sulisinnaangornissaat sulianillu nalilersuisinnaangornissaat, kiisalu tamakkuninnga suliaqarnermi isumannaallisaanermut avatangiisinullu tunngasutigut ajornartorsiutaalersartunik ilisimasaqalernissaat.
- 4) Atuartitsissutip atuartitsissutiginerani periaasissanik paasisimasaqalernissaat, taamaalillutik atuartitsissummik taassuminnga atuartitsisinnaaleqqullugit ilinniarnep ingerlanerani tamarmi.

§ 38. Oqaluttuarisaanermik atuartitsissummi siunertarineqarpoq ilinniartut:

- 1) Oqaluttuarisaanermik atuartitsissutillu taassuma immikkut issusianik ilisimasaqalerlutillu paasisaqarnissaat atuartitsissutillu atuartitsissutiginerani suleriaatsinik paasisimasaqalernissaat.
- 2) Ukiut ullullu, inuiaat nunallu assigiinngitsut, inuiaqatigiinni pissutsit piorsarsimassutsimullu tunngasut pillugit assigiinngitsunik arlalinnik Kalaallit Nunaanni pissutsit pingaarnerutillugit suliaqartarnikkut ilisimasaqalerlutik paasinninnissaat.
- 3) Oqaluttuarisaanermi allaaserineqartut pillugit apersuilluarsinnaalernissaat tunngaveqartumillu akissutinik isumasisinnaalernissaat.
- 4) Atuartitsissutip atuartitsissutiginerani periaasissanik paasisimasaqalernissaat.

§ 39. Atuartitsissummi inuiaqatigiilerinermi siunertarineqarpoq ilinniartut:

- 1) Inuiaqatigiinni kalaallini inuiaqatigiinnilu allani inooqatigiinnermut, aningaasarsiornermut naalakkersuinnermullu tunngasunik paasisimasaqalernissaat kiisalu paasiniaasarnissaat ta-makkununga tunuliaqutaasunik.
- 2) Ilisimasaqalernissaat inuiaqatigiinni pissutsinik, tamakkununga ilanngullugit nunatsinni nunanilu allani naalakkersuinnermullu periaatsinik aqqissuussaannernillu, taamaalillutik soqutigisat isummallu tunuliaqutaasut tunngavigalugit inuiaqatigiinni oqallinnermik paasiniaaqqissaarsinnaaleqqullugit nalilersuisarsinnaaleqqullugillu.
- 3) Sammisamut ilisimatuutut isummiussanikkut ajornartorsiutaalersartunut aalajangersimasumik ilisimatuutut isummiussanik tunngavissaqalernissaat.
- 4) Atuartitsissutip atuartitsissutiginerani periaasissanik paasisimasaqalernissaat.

§ 40. Upperisarsiornermik atuartitsissummi siunertarineqarpoq ilinniartut:

- 1) Kristumiussutsimik kiisalu upperisarsiornermik inuunermillu paasinneriaatsinik allanik ilinniarnikkut atuartitsissutip piorsarsimassutsimi qangarsuarli isumaasartuni assigiinngitsuni inissisimaneramik paasinninnissaat.
- 2) Atuartitsissutip periaasiinik atuilluarsinnaalernissaat naliliisinnaallualernissaallu kiisalu ilinniartitsissutiginnissaani eqqarsaatigilluagassanik suliaqarluarsinnaalernissaat.
- 3) Atuartitsissutip perorsaanikkut periarfissarisaanik atugassarisaanillu paasinninnissaat, taa-maalillutik ilinniartut kristumiussutsimut tunngasuni ilisimasassanik atuartitsisinnaaleqqullugit ilinniarnep ingerlanerani tamarmi.

Atuartitsissutit neqeroorutigineqarsinnaasut

§ 41. Atuartitsissutit neqeroorutigineqarsinnaasunik ilinniartitsinermit ilaatigut siunertarinearpoq sammisassani immikkut ittuni itisilerisitsiniarsinnaalersitsinissaq, ilaatigullu atuartitsissutit atuartitsissutigisaviit avataanniittunik suliaqarsinnaanissaq.

Imm. 2. Atuartitsissummik neqeroorutigineqarsinnaasumik atuartitsilernissaq sioqqullugu atuartitsissummi siunertarisassat imassallu nassuiarneqaaqaassapput.

Suliamik misiliineq

§ 42. Atuartitsinermit misiliinerup siunertaraa ilinniartut:

- 1) Ilinniartitsisup suliarisartagaanik tamanik paasisimasaqalernissaat, taamaalillutik atuartut, angajoqqaat atuarfimmilu sulisut allat peqatigalugit Kalaallit Nunaanni meeqqat atuarfini tamani atuartitsinermit assigiinngisitaartumik ingerlatsisinnaaleqqullugit.
- 2) Ilinniartitsisup suliaasaanik ullut tamaasa nalliuttartunik allanngorartartunillu misissuisarnermik, paasiniaaqqissaartarnermik paasisaminillu isummerfiginnittarnissamut sungiusarneqarnissaat.
- 3) Pissusiviusut tunngavigalugit atuartitsinermit taamatullu ilinniartitsisup suliaasaanik allanik ajunngitsumik aqqissuussisinnaalerlutillu, ingerlatsisinnaalerlutillu nalilersuisinnaalernissaat kisimiillutik aammalu allanik suleqateqarlutik.

Kapitali 5.

Ilinniarnermi misilitsinnerit

Ilinniarnermi misilitsinnerit siunertaat

§ 43. Ilinniarnermi misilitsinnerit siunertaraat paasiniassallugu ilinniartup angusimasai ilinniartitaanermit siunertanut piumasarianullu peqqussummi, Nalunaarummi uani aamma ilinniarnerup aqqissuunnerani il.il. aalajangersakkanut naapertuunnersut. Misilitsinnerni angusineq tunngaviliisuussaaq inisummik soraarummeernerup allagartaata atsiorneqarnissaanut.

Ilinniarfimmi avataanilu misilitsinnerit nassuiagaanerat

§ 44. Misilitsinnerit ilinniarfimmi avataanilu misilitsinnerupput.

Imm. 2. Ilinniarfimmi misilitsinnerit tassaapput misilitsinnerit nalilerneqartut soraarummeersitsisumit ataatsimit imaluunniit soraarummeersitsisunit arlalinnit.

Imm. 3. Avataani misilitsinnerit tassaapput misilitsinnerit nalilerneqartut soraarummeersitsisumit imaluunniit soraarummeersitsisunit aamma nalileeqaatasartumit ataatsimit arlalinnilluunniit Ilinniartitaanermut Pisortaqarfimmitt toqqagaasunit.

Avataaniit allattariarsorluni misilitsinnerit

§ 45. Avataaniit allattariarsorluni misilitsissutissat Ilinniartitaanermut Pisortaqarfimmitt suliarineqartassapput.

Imm. 2. Misilitsinnerit soraarummeertunut tamanut assigiissapput.

Imm. 3. Soraarummeerutissatut siunnersuutit, tamakkununga ilanngullugit ikiutissatut aku-erisassat, soraarummeerutissaliortoqatigiinnit suliarineqartassapput. Soraarummeerutissaliortoqatigiit tamarmik Ilinniartitaanermut Pisortaqarfimmitt tamakkulerisartunngortinneqartassapput ukiuni pingasuni

atuuttussatut.

Imm. 4. Misilitsinnerni nakkutilliisoqartassaaq.

Imm. 5. Ilinniarneq naammassippat ilinniartup akissutimi imminut tunniunneqarnissaat piumasarisinnaavaa.

Avataaniit oqaluttariarsorluni misilitsinnerit

§ 46. Soraarummeersitsinermi apersuineq ingerlanneqassaaq ilinniartitsisumit imaluunniit ilinniartitsisunit atuartitsissummi atuartitsisuusimasumit/atuartitsisuusimasunit. Apersuineq sapinngisamik soraarummeersitsisumik soraarummeertumillu oqaloqatigiissitsiniarnerussaaq nalileeqaataasussap peqataaffigisinnaasaanik. Allaatigissat ilinniartup atuartitsissummik soraarummeerutissamik suliaqartarsimaneranut uppersarsaataasunut amerlanerulissutaasinnaasut soraarummeertumut apersuineri ilanngunneqarsinnaapput.

Imm. 2. Soraarummeernermi apeqqutit soraarummeertunut makitsissutigittinneqartassapput. Ilinniagaqartup misilitsinnginnermini toqqarsimasaa allagarlu pingaarnersiugaq ilinniartitsisumik akuerineqarsimasooq aallavigalugu apeqquteqartoqarsinnaavoq. Soraarummeertussallu allaatigisimasaasa arlaat sammineqassappat taanna apersuineri tunngaviussaaq.

Imm. 3. Nalileeqaataasooq soraarummeernermilu apersuisuusooq karakteriliinissami kisimiissapput. Soraarummeertoq karakteriliinerup kingornagut karakteriliunneqartumut pissutaasumik naatsumik oqaatsit atorlugit ilisimatinneqarsinnaavoq.

Imm. 4. Ilinniartoq piareersarfissaqartitaappat, piareersarnera nakkutigisaassaaq.

Imm. 5. Oqaluttarissanik misilitsinnerit tamanut ammapput.

Misilitsinnerit naliliinerillu

§ 47. Atuartitsissutit §§ 13-20 naapertorlugit pinngitsoorani ilinniartariaqartut misilitsinnerit naliliinerillu makku imaraat:

- 1) Atuartitsissutit perorsaanermut/atuartitsinermut tunngasut: Ukiut ilinniarfusut pingajuat naggaserneqassaaq oqaluttariarsorluni ilinniarfiup avataani misilitsinnermik, aallaaveqartumik allallugu nalunaarusiamik ukiut ilinniarfusut pingajuanni suliarineqartumik. Oqaluttarinninneq allallugulu nalunaarusiaq ataatsimut nalilerneqassapput. Ukiut ilinniarfusut sisamaanni oqaluttariarsornermik ilinniarfiup avataani misiliisoqassaaq, aallaaveqartumik perorsaanermut tunngasumik specialimik, ataatsimullu nalilerneqassallutik.
- 2) Danskit oqaasii aamma tuluit oqaasii (killiffik 1): Atuartitsissutit naggataarnerini ta-mani angusimasanut karakteriliisoqartassaaq. Angusimasanut karakterit ilinniarfimmi atortuupput § 64-ilu naapertorlugi ilanngullugit naatsorsuutigineqartussaananik.
- 3) Kalaallit oqaasiinik atuartitsissut ukiup aappaani ataatsimoorutassaaq: Atuartitsissut naggataarneqassaaq oqaluttariarsorluni ilinniarfiup avataani misilitsinnermik aamma allattariarsorluni ilinniarfiup avataani misilitsinnermik. Misilitsinnerit tamarmik assigiimmik oqimaalutarneqartassapput, ataatsimullu nalilerneqartassallutik.
- 4) Atuartitsissut pinngortitamut tunngasooq: Atuartitsissutip inaarneqarnerani misilitsinneq nalilerneqassaaq "angusivoq" imaluunniit "angusinngilaq" atorlugit, ilinniagassamik ilinniartitseriaatsimik periutsinillu paasisimasaqarnermik tunuliaqutaqartumik naliliisoqarluni.
- 5) Atuartitsissut paasisutissiiviusooq: Atuartitsissutip inaarneqarnerani angusimasanut

karakteriliisoqassaaq ilinniartup suliai, ilisimaqqaagassanik ilisimasai aamma atuartsissummik ilinniartsinermi periaatsinik iliuuserisartakkanillu paasisimasai tunngavigalugit.

6) Kristumiussuseq: Atuartsissutip inaarneqarnerani nalilernerqartassaaq "akuerineqarpoq" imaluunniit "akuerineqanngilaq" atorlugit. Naliliineq ilinniartup eqqarsaatikkuinnaq ilisimasaanik kiisalu suliassanut ataasiakkaanut naliliinera tunngavigalugu pisassaaq.

7) Mernguernartut I: Atuartsissutip inaarneqarnerani misilitsinneq nalilernerqassaaq "angusivoq" imaluunniit "angusinngilaq" atorlugit. Naliliineq ilinniartup kisimiilluni suleriaatsinik atorluaaneramik ataatsimoorussaqaqarnermilu peqataassuseqaqarneranik tunngavilimmik ingerlanneqartassaaq.

8) Kisitsineq/matematik (killiffik 1): Atuartsissut inaarneqassaaq angusimasanut karakteriliinermik. Angusimasanut karakteri ilinniarfimiinnaq atortuuvog ilanngunneqartussaannanilu § 64 naapertorlugu.

Imm. 2. Pissutsit immikkut ittut tamanna ajornartinnigippassuk imaluunniit ilinniartitaanerup ineriartortinneqarneranut ilaatillugu imm. 1-imi aalajangersakkat atuutsinneqannginnissaat Ilinnartitaanermut Pisortaqarfiup immikkut akuersissutigisinnavaa.

§ 48. Atuartsissutit §§ 21-30 naapertorlugit qinigassat misilitsinnerit naliliinerillu makku imaraat:

1) Danskit oqaasii (killiffik 2) aamma kisitsineq/matematik (killiffik 2): Atuartsissutit tamarmik naggaserneqassapput ilinniarfiup avataani misilitsinnermik. Misilitsinneq oqaluttariarsorneruvoq allattariarsornerullunilu, nalilernerqassappullu ataatsimut karakterimik.

2) Tuluq oqaasii (killiffik 2): Atuartsissut taanna naggaserneqassaaq ilinniarfiup avataani misilitsinnermik ataatsimik marlunnilluunniit, atuartsissullu tamatigut oqaluttariarsornermik naggaserneqartussanngorlugu pilersaaruserneqartassalluni.

3) Fysik/kemii: Atuartsissut taanna naggaserneqassaaq ilinniarfiup avataani oqaluttariarsorluni misilitsinnermik, nalilernerqartussamik karakterimik ataatsimik.

4) Ilusilersuineq aamma assassorneq/ammerineq: Atuartsissutit tamarmik naggataarnerini angusimasanut karakteriliisoqassaaq ilinniartup suliaamik, ilisimaqqaagassanik ilisimasaanik aamma atuartsitseriaatsinik atuartsissutigineranilu ilikkartitseriaatsinik ilisimasaanik naliliineq tunngavigalugu.

5) Timersorneq, erinarsorneq/nipilersorneq sananerlu: Atuartsissutit tamarmik naggataarnerini angusimasanut karakteriliisoqassaaq ilinniartup pillaaqissusianik, ilisimaqqaagassanik ilisimasaanik aamma atuartsitseriaatsinik atuartsissutigineranilu ilikkartitseriaatsinik ilisimasaanik naliliineq tunngavigalugu.

6) Illumi suliassat: Atuartsissutip naggataarnerani angusimasanut karakteriliisoqassaaq ilinniartup nalunaarusiaanik, pillaaqissusianik aammalu atuartsitseriaatsinik atuartsissutigineranilu ilikkartitseriaatsinik ilisimasaanik naliliineq tunngavigalugu.

Imm. 2. Pissutsit immikkut ittut tamanna ajornartinnigippassuk imaluunniit ilinniartitaanerup ineriartortinneqarneranut ilaatillugu imm. 1-imi aalajangersakkat atuutsinneqannginnissaat Ilinniartitaanermut Pisortaqarfiup immikkut akuersissutigisinnavaa.

§ 49. Atuartsissutit §§ 31-40 naapertorlugit annerusumik sammisassat misilitsinnerit naliliinerillu makku imaraat:

1) Kalaallit, danskit tuluq oqaasii aamma kisitsineq/matematik: Atuartsissutit tamarmik naggaserneqassapput ilinniarfiup avataani misilitsinnermik. Misilitsinneq oqaluttariarsornerullunilu allattariarsorneruvoq, misilitsinnerillu nalilernerqassapput ataatsimut karakterimik. Oqaluttariarsornermi misilitsissutaassapput apeqqutit, ilaatigut sammisamiittut ilaatigullu allallugu nalunaarusiamiittut.

2) Fysik/kemii: Atuartsissut naggaserneqassaaq fysikimi ilinniarfiup avataani oqaluttariarsorluni

misilitsinnermik aamma kemiimi ilinniartuup avataani oqaluttariarsorluni misilitsinnermik. Misilitsinnerit assigiimmik oqimaalutarneqassapput nalilernerqassallutillu ataatsimut karakterimik.

3) Nunalerutit, uumassusilerineq, oqaluttuarisaaneq, inuiaqatigiilerineq upperisarsiornerlu:

Atuartitsissutit tamarmik naggaserneqassapput ilinniartuup avataani oqaluttariarsorluni misilitsinnermik, kiisalu allattariarsorluni misilitsinnermik Misilitsinnerit ataatsimut karakteriliilluni nalilernerqassapput.

Imm. 2. Pissutsit immikkut ittut tamanna ajornartinnigippassuk imaluunniit ilinniartitaanerup ineriartortinneqarneranut ilaatillugu imm. 1-imi aalajangersakkat atuutsinneqannginnissaat Ilinnartitaanermut Pisortaqarfiup immikkut akuersissutigisinnaavaa.

§ 50. Ilinniartup tapiutitut pikkorissarnermi atuartitsissumilu neqeroorutigineqarsinnaasumi peqataanera nalilernerqassaaq "akuerineqarpoq" imaluunniit "akuerineqanngilaq" atorlugit.

§ 51. Piffissat suliamik misiliiviusut tamarmik ilinniartup nalilernerqarneranik naggaserneqartassapput. Naliliineq suliamik misiliivimmit Ilinniarfissuarmut tunniunneqartassapput. Piffissanik suliamik misiliiviusunik ataasiakkaanik suliamik misiliivimmit naliliineq tunuliaqutaralugu Ilinniarfissuaq ataatsimut "angusivoq" imaluunniit "angusinngilaq" atorlugu naliliisassaaq.

Imm. 2. "Angusivoq" imaluunniit "angusinngilaq" atorlugu naliliinissamut piumasaqaatit ilin-niarnermi aaqqissuussinermi aalajangersarneqartassapput. Aammattaaq suliamik misiliiviit ilinniartunik naliliinerinut suut ilanngunneqartassanersut aalajangersarneqartassapput.

Ilinniarnermi misilitsinnerni peqataajumanermik nalunaarneq piumasarineqartullu

§ 52. Ilinniarnermi pinngitsoorani ingerlassimasassami nalunaarneq pissaaq ilinniarnissamut tiguneqarsimaneq tunngavigalugu.

Imm. 2. Atuartitsissutini toqqagassani, atuartitsissutini annerusumik sammisassani aamma atuartitsissutini neqeroorutigineqarsinnaasuni nalunaarneq pissaaq atuartitsissutitut taakkununga tiguneqarsimaneq tunngavigalugu.

§ 53. Ilinniakkanik aallussineq nalunaarsorneqassaaq atuartitsinnermi aamma suliamik tunniussaqaarnermi peqataanertut, ilinniartitsisoqatigiinnillu akuerineqaaqaassalluni ilinniartuq atuartitsissutini ataasiakkaani misilitsinnerni peqataasinnaalertinnagu.

Misilitseqqinniarneq

§ 54. Ilinniartuq atuartitsissutini 6 inorlugu karaktereqarfigisamini misilitseqqinniartarsinnaavoq.

Imm. 2. Ilinniartuq atuartitsissummi taannaasumi marloriaannarluni misilitseqqinniartarsinnaavoq.

Imm. 3. Misilitseqqinniarnep ilinniartuq pisinnaatissavaa atuartitsissummi misilitsinnissami tullermi peqataanissaanut. Semesterit arfineq-pingajuanni naggataarutaasumik misilitsinnissami misilitseqqinniarnep ilinniartuq pisinnaatissavaa ukiumi tassani aggustimi misilitsinnissami peqataanissaanut.

Imm. 4. Ilinniartuq atuartitsissummi taannaasumi ataasiaannarani naggataarutaasumik misilitsissimappat karakteri angusaasoq annerpaaq atortuussaaq.

Imm. 5. Ilinniartitaanermut Pisortaqarfik immikkut ittunik pissutissaqartillugu imm. 1-4-mi aalajangersakkat sanioqqunnissaannut immikkut akuersissuteqarsinnaavoq.

§ 55. Ilinniartunut nappaammik imaluunniit taamatut atuanngininnermik uppersaateqartumik imaluunniit nakorsamit allagarserneqartumik pissuteqarlutik misilitsissimanngitsunut immikkut ittumik

misiliisoqartassaaq, tamanna Ilinniartitaanermut Pisortaqarfiup aalajangersimappagu, taamaattorli misiliineq taanna atuartitsissummi tassani tullianik misiliisoqalerpat kingusinnerpaamik pisussanngorlugu.

§ 56. Ilinniarteq misilitsinnissamut takkutinngippat, peqataannginnissanilu ilisimatitsissutigisimanngippagu misilitsinneq angusiffunngitsutut isigineqassaaq.

Soraarummeerutissat soraarummeernermilu apeqqutit

§ 57. Soraarummeerutissaq tassaavoq soraarummeerut ilinniartut atuartitsissutini ataasiakkaani misilitsinneranni apersuinissamut tunngaviusussaq. Soraarummeerutissaq ilinniartitsisup imaluunniit ilinniartitsisut atuartitsissummik soraarummeerutissamik atuartitsisimasup/atuartitsisimasut ilinniarteq oqaloqatigeqqaarlugu toqqassavaa / toqqassavaat.

Imm. 2. Soraarummeernermi apeqqutissat tassaapput apeqqutit apersuinnermut tunngavigisassat. Soraarummeernermi apeqqutissat allattorlugit suliarineqassapput ilinniartitsisumit imaluunniit ilinniartitsisunit atuartitsissummik soraarummeerutissamik atuartitsisimasumit / atuartitsisimasunit.

Imm. 3. Soraarummeernermi soraarummeertussap allallugu suliaasa ilaannik apersuisoqassappat, allallugu suliaq taanna apersuinnermi aamma tunngavigineqassaaq.

§ 58. Soraarummeerutissaq soraarummeernermilu apeqqutissat nalileeataasussamut akue- ritinniarlugit saqqummiunneqassapput kingusinnerpaamik misilitsinnissat / misilitsinnissaq sap. ak. sisamanik sioqqullugu.

Imm. 2. Soraarummeerutissanut apeqqutissanullu oqaaseqaatit nassiunneqassapput taakku tigunerinit ullut arfineq-marluk qaanngiutsinnagit. Ullut taakku naaneranni Ilinniarfissuaq oqaaseqaatinik tigusaqarsimanngippat soraarummeerutissat soraarummeernermilu apeqqutissat nalileeataasussamut akuerineqarsimasutut isigineqassapput.

Imm. 3. Soraarummeertussap allaatigisaa apersuinissamut tunngaviusussaappat, tak. § 57, imm. 3, allaatigisaa taanna misissoqqullugu nalileeataasussamut nassiunneqassaaq kingusinnerpaamik misilitsinnissaq sap. ak. sisamanik sioqqullugu.

Nalileeataasartussat

§ 59. Nalileeataasussat toqqarneqassapput Ilinniartitaanermut Pisortaqarfimmitt. Nalileeataasartussat peqataasassapput atuartitsissutini tamani, ilinniarfiup avataani misilitsiffigineqartuni.

§ 60. Nalileeataasartut nakkutigissavaat:

- 1) ilinniarnermi misilitsinnerni, aamma allallugit suliaqarnerni, piumasarisat siunertanut peqqussummi, Nalunaarutini aamma ilinniarnernup aqqissuunnerani aalajangerneqartunut naapertuunersut,
- 2) misilitsinnerit ingerlanneqartarnissaat malittarisassat atortuusut naapertorlugit aamma
- 3) ilinniartut assigiimmik eqqortumillu pineqarnissaat, aamma suliaasa tatiginartumik nalilerneqarnissaat karakteriliisarneq pillugu malittarisassat naapertorlugit.

Misilitsinnerni pissusissaanngitsunik iliornerit

§ 61. Ilinniartitaanermut rektori ilinniarnermi misilitsinnerit tamakku pillugit maleruagassat aalajangersarneqartut naapertorlugit ingerlanneqarnissaannut akisussaavoq.

Imm. 2. Misilitsinnerit ingerlanneqarnerni pissusissaanngitsumik iliornerit piaartumik Ilinniartitaanermut Pisortaqarfimmut nalunaarutigineqartassapput.

Imm. 3. Ilinniartitaanermut Pisortaqarfik Ilinniartissuarmi misilitsittarnerit ingerlanneqartarnerat pillugu malittarisassaliorsinnaavoq.

§ 62. Ilinniartitaanermut rektorip misilitsittoq misilitsinnermit peeqqusinnaavaa:

- 1) Soraarummeertoq taanna taamaalioqqusaanani allanit ikiorneqarsimappat, iluaqusersuutininik akuerisaanngitsunik atuisimappat imaluunniit allap suliaa ilumoorani nammineq suliarinerarpagu.
- 2) Soraarummeertoq taamaalioqqusaanani misilitsinnermi allanik ikiuisimappat imaluunniit ikiuinialuarsimappat.

Imm. 2. Taamaattorli misilitsinnerup ingerlanerani peeqqusinissamut tunngavissaqarsorinaraluartoq Ilinniartissuup soraarummeertoq misilitsinnerani ingerlaannaqqusinnaavaa. Misiliineq naammassiniariarpat ilinniartitaanermut rektorip aalajangissavaa misilitsinnermit peeqqusisoqassanersoq. Aamma taama aalajangiisoqassaaq misiliineq qaangiutereersoq aatsaat imaluunniit akissutip nalilernerqarnerani peeqqusinissamut tunngavissaqarsorinarsippat.

Imm. 3. Soraarummeertoq misilitsinnermit peeqqusaaguni soraarummeerfiup ingerlanerani misilitsinnerni peqataaqquneqartussaaajunnaassaaq, soraarummeerfiullu nalaani misilitsinnerni karaktererisimasaq atorunnaassaaq.

Kapitali 6.

Karakteriliineq

§ 63. Atuartitsissutini misilitsiffusuni kiisalu atuartitsissutini angusimasanut karakteriliiffusuni 13-skala atorlugu karakteriliisoqartassaaq.

Imm. 2. 13-skala atorlugu makku karakteriliunneqartassapput:

- 1) 13 karakteriliunneqartassaaq namminersorluinnartumik pitsaalluinnartumillu suliaqarnermut.
- 2) 11 karakteriliunneqartassaaq pitsaasumik namminersortumillu suliaqarnermut.
- 3) 10 karakteriliunneqartassaaq pitsaasumik sungiussiinnarpasissumilli suliaqarnermut.
- 4) 9 karakteriliunneqartassaaq pitsaasumik, tassa akunnakusoortumit pitsaanerulaartumik, suliaqarnermut.
- 5) 8 karakteriliunneqartassaaq akunnakusoortumik suliaqarnermut.
- 6) 7 karakteriliunneqartassaaq naammaannartumik, tassa akunnakusoortumit ajornerulaartumik, suliaqarnermut.
- 7) 6 karakteriliunneqartassaaq nalornisoortumik taamaattorli naammaginarsinnaasumik suliaqarnermut.
- 8) 5 karakteriliunneqartassaaq nalornisumik naammaginangitsumillu suliaqarnermut.
- 9) 03 karakteriliunneqartassaaq nalornisooqisumik, amigaqisumik naammaginangeqisumillu suliaqarnermut.
- 10) 00 karakteriliunneqartassaaq atorsinnaanngilluinnartumik suliaqarnermut.

Imm. 3. Karakterit aalajangerneqartassapput nalileeataasumit soraarummeersitsisumillu. Taakku siullermik immikkoorlutik karakteriliissapput, nalileeataasup karakteriliussaa taaneqaqqaassalluni, kingornatigullu karakteriliussassavik isumaqatigiinniutigissallugu. Nalileeataasoq soraarummeersitsisorlu isumaqatigiissinnaanngippata karakteriliussassaaq aalajangerneqartassaaq karakteriliussat taakku kateriarlugit agguaqatigiissitsinikkut. Kisitsit agguaqatigiissitsinerup inernera kisitsit 13-skalamiittut akornanniinngippat nalileeataasulli karakteriliussaa anneruppat karakteriliunneqassaaq kisitsit angineq siulerisaa, nalileeataasulli karakteriliussaa minneruppat kisitsit minnerusoq tulleg.

Imm. 4. Karakteriliussassaaq karakterit arlallit katinnerisigut aalajangerneqassappat kisitsisillu katitat inernerat karakteriliussassaniingippat katitat inernerat taanna akunnaallineqassaaq karakterimut anginnermut qaninnerpaamut, tassunga qaninnerpaat imaluunniit karakterip anginerusup qaninnerpaap minnerusullu qaninnerusup akornanniippat. Taamaanngippat kisitsit akunnaallineqassaaq karakterimut appasinnerulluni qaninnerusumut tullermut.

Kapitali 7.

Angusissagaanni tunngavissat

§ 64. Ilinniartitsisutut angusisinaanermut piumasarineqarput:

- 1) karakterit tamarmik katinnerat karakterit amerlassusiisa 6-imik amerlisarneqarlutik inernerattut angissuseqassasoq imaluunniit annerussasoq,
- 2) atuartitsissutini annerusumik sammisani aammalu atuartitsissutini perorsaanermut tunngasuni kiisalu immikkut sammisani soraarummeernermi karakteri minnerpaamik 6-iussasoq,
- 3) atuartitsissutini allani tamani karakteri minnerpaamik 5-iussasoq, taamaattorli atuartitsissummi ataatsimi karakterigineqarsinnaavoq 03, aamma
- 4) atuartitsissut "akuerineqarpoq"-mik imaluunniit "akuerineqanngilaq"-mik nalinerneqartoq angusineruvoq.

Imm. 2. Atuartitsissutini neqeroorutaasuni karakterit, takuuk § 50, kiisalu § 47-mi imm. 1-imi nr. 2-mi aamma nr. 8-mi taaneqartut imm. 1-imi pineqanngillat.

Kapitali 8.

Allattuiffiit aamma inaarutaasumik soraarummeernerup allagartaa

§ 65. Rektori allattuiffinnik ingerlatsissaaq, tassungalu ilinniartut tamarmik allattorneqarfeqassapput. Allattorneqarfimmut allanneqartassapput ilinniartitsisunngorniartup inuttaa pillugu paasissutissat, atuartitsissutini toqqartuisimanera, atsiukkat, peqataasinnaajunnaarsitsinerit nalunaarullu manna tunngavigalugu allaasunik iliuuseqarnerit, misilitsinnermi karakterit aamma angusimasanik naliliineq, kiisalu pinngortitalerinnermi aamma mernguernartut 1-imi piffissap qiteqqunnerani naliliinerit soraarummeernermi karakterit aammalu angusaqarisimasat pillugit karakterit.

Imm. 2. Ilinniartitaanermut Pisortaqarfik allattuiffiit iluseqarnissat pillugu aalajangersaasinnaavoq.

§ 66. Ilinniartitsisunngorniartut ilinniartitsisutut soraarummeernermi angusimasat tamatumunnga uppersaammik tunineqassapput. Uppersaasat inummut ataatsimut tunngasunik oqaasertaqarpoq aammalu tamanut tunngasunik assigiinnik oqaasertaqarluni.

Imm. 2. Inummut ataatsimut tunngasunik oqaasertatigut ilisimatitsissutigineqassapput:

- 1) ilinniartitsisunngorniartup inuttaa pillugu paasissutissat aamma ulloq ilinniarnernup naammassiffia,
- 2) suliamik misiliinnermi nalilerneqarneq,
- 3) atuartitsissutit annerusumik sammisassat suut aamma atuartitsissutit qinigassat suut ilinniartitsisunngorniartup sammisimanerai aammalu atuartitsissutini ataasiakkaani tamani naliliineq § 64 malillugu ilanngullugu naatsorsuutigineqartoq,
- 4) § 7 naapertorlugu atuartitsissutitut peqataasinnaajunnaarsimasinnaaneq,
- 5) tapertaasumik kursusernarni peqataaneq, ilinniartitsisunngorniartuq nalilerneqarsimappat "akuerineqarpoq"-mik, lektionit qassiuneri nalunaarlugit, aamma
- 6) atuartitsissutini neqeroorutigineqarsinnaasuni peqataaneq, ilinniartitsisunngorniartuq

nalilerneqarsimappat "akuerineqarpoq"-mik, lektionit qassiuneri nalunaarlugit.

Imm. 3. Tamanut tunngasunik oqaasertani allassimassapput nalunaarummi matumani §§-ini 2-mi, 9-mi aamma 64-imi oqaasertat.

Imm. 4. Soraarummeersimanermut uppersaat rektorimit suliarineqassaaq ilinniartitsisun-ngorniartup allattorneqarfigisimasaa najoqqutaralugu. Rektorip uppersaat atsiussavaa.

Imm. 5. Ilinniartup ilinniarnini naammassinagu ilinniarunnaartup qinnuteqarnini tunngavigalugu misilitsinnernut angusiffigisaminut suliamillu misiliinermut angusiffigisaminut kiisalu atuartsissutitut angusaniknaliliinermik naggaserneqartunut allagartat uppersaatit pisinnaavai.

Imm. 6. Ilinniartitaanermut Pisortaarfik inaarutaasumik soraarummeersimanerup allagartaata qa-noq isikkoqarnissaa pillugu maleruagassaliorsinnaavoq.

Kapitali 9.

Atuutillerfia il.il.

§ 67. Nalunaarut atulerpoq ulloq 1. august 2000.

Imm. 2. Tamatumunnga peqatigitillugu Kalaallit Nunaanni ilinniartitsisunngorniat sammisassaat pillugit Namminersornerullutik Oqartussat nalunaarutaat nr. 38 ulloq 28. august 1990-imeersoq, ilinniartitsisussanik ilinniartitsisarneq katersuutsitaq eqqarsaatigalugu, kiisalu. Kalaallit Nunaanni meeqqat atuarfianni ilinniartitsisussat ilinniartitaasarnert pillugu Namminersornerullutik Oqartussat nalunaarutaat nr. 36 ulloq 28. august 1990-imeersoq atorunnaarput.

Namminersornerullutik Oqartussat, ulloq 31. juli 2000.

Lise Lennert

/

Just Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat
Naalakkersuisut